

襄陽府志卷之二十一

名宦

漢

王寵後漢時人爲南郡太守中廬縣界有木渠壅瀉水東流四十五里入宜城縣龍鑿之以引蠻水謂之木里溝溉田六千餘頃

宋史河渠志

劉表字景升山陽高平人魯恭王之後也與同郡張儉等號爲八顧初平元年爲荊州刺史時江南宗賊大盛表誘斬其帥襲取其衆江夏賊張虎陳生擁衆據襄陽城

襄陽府志

卷之二十一

名宦

一

使往譬之乃降江南悉平諸守令聞表威名多解印綬去遂理兵襄陽以觀時變初寇賊相扇處處麋沸表招誘有方萬里肅清關西兗豫學士歸者蓋有千數表安慰賑贍皆得資全遂起立學校博求儒術綦母闔朱忠等撰立五經章句謂之後定愛民養士從容自保六年劉備自袁紹奔荊州表厚相結納十二年疽發背卒在荊州幾二十年家無餘積次子琮嗣舉州降曹操操以爲青州刺史長子琦走江南後操敗於赤壁先主表爲荊州刺史明年卒

後漢書



劉望之南陽人有盛名於世表辟為從事以直諫為表所

害

三國志
劉廙傳

鄧義章陵人為荊州治中天子都許劉表雖遣使貢獻然
北與袁紹相結義諫表不聽義辭疾而退終表之世後

隨劉琮降曹操以為侍中

魏志

關某字雲長本字長生河東解人也從先主就劉表表卒
曹操定荊州孫權遣兵佐先主拒曹操操引軍退先主
收江南諸郡乃封拜元勳以為襄陽太守盪寇將軍駐
江北西定益州拜為董督荊州事先主為漢中王拜為

襄陽府志

卷之二十一

名宦

二

前將軍假節鉞是歲公率眾攻曹仁於樊曹操遣于禁
助仁秋大霖雨漢水汎溢禁所督七軍皆沒禁降又斬
將軍龐德梁郄陸渾羣盜或遙受印號威震華夏操議
徙都以避其銳孫權襲據江陵公軍遂散及子平被害
於臨沮後主時追諡壯繆侯

蜀志

舊志首載姬奭召虎方叔仲山甫四人按集傳云文
王徙都於豐而分岐周故地以為周公旦召公奭之
采邑又云召地名扶風雍縣南有召亭即其地則召
公所治之地在陝也召虎方叔帥師征討于宦蹟何

與山甫雖封於樊而身在王朝觀蒸民之詩自見供
不必闢入又漢郭賀文聘孫乾簡雍皆無政蹟應刪

襄陽府志

卷之二十一

三

三國

曹仁字子孝操從弟也行征南將軍假節屯樊鎮荊州侯
音以宛畔略傍縣衆數千人仁攻破音斬其首還屯樊
卽拜征南將軍關某攻樊外內斷絕糧食欲盡救兵不
至仁激厲將士示以必死將士感之皆無二心救至得
潰圍出某退走曹丕卽王位拜車騎將軍進封陳侯孫
權遣將陳邵據襄陽仁與徐晃攻破之遂入襄陽使將
軍高遷等徙漢南附化民於漢北黃初四年卒謚忠侯
滿寵字伯寧山陽昌邑人助仁屯樊城或謂仁乘輕船

襄陽府志

卷之二十一 名宦

三

夜走寵阻止之沉白馬與軍士盟誓會救至力戰有功

三國志

趙儼字伯然陽翟人魏武征荊州以儼爲章陵太守關某
圍曹仁於樊儼以議郎參仁軍事南行遷平寇將軍與
徐晃俱前晃所督不足解圍而諸將呵責晃促救儼謂
諸將曰今敵圍素固水潦猶盛我徒卒單少而仁隔絕
不得同力此舉適所以敝內外耳不若前軍偪圍遣謀
通仁使知外救以勵將士計北軍至不過十日尙足堅
守然後表裏俱發破敵必矣諸將從之某軍旣退舟船

猶據沔水襄陽隔絕不通而孫權襲取某輜重某南還仁會諸將議咸曰今因其危懼必可追擒也儼曰權邀某連兵之難欲掩制其後顧某還救恐我承其兩疲故順辭求救以觀利鈍耳若深入追北權則改虞於彼將生患於我矣王必以此爲深慮仁乃解嚴魏武疾救仁如儼所策歷遷司空卒謚曰穆

魏志

龐惠字令明南安獬道人初從馬騰及其子超後從張魯曹操定漢中隨衆降操素聞其驍勇拜立義將軍封關門亭侯侯音衛開等以死叛與曹仁共攻拔宛斬音開

襄陽府志

卷之二十一 名宦

四

遂南屯樊拒關某諸將以惠兄在漢中頗疑之惠常曰我受國恩義在效死我欲身自擊某今年我不殺某某必殺我仁使屯樊北十里會天霖雨十餘日漢水暴溢樊下平地五六丈惠與諸將避水上隄某乘船攻之以大船四面射隄上惠謂督將成何曰吾聞良將不怯死以苟免忠臣不毀節以求生今日吾死日也戰益怒氣益壯水浸盛將士皆降惠彎弓傳矢乘小船欲還仁營水盛船覆爲某所獲立而不跪招之便降不從遂爲所殺操聞之流涕封其二子爲列侯丕卽王位遣使就墓

賜謚壯侯

魏志

劉熹字德怡濟南人魏時宰陰縣雅好博古學教立碑載生徒百有餘人不終業而夭者因葬其地號曰生墳

注

水經

胡烈字武元安定人爲襄陽太守有惠化補塞隄決民賴

其利景元四年九月百姓刊石銘之樹碑焉

水經注

其詞

有曰譬春之陽如冬之日畊者讓畔百姓豐溢惟我胡

公恩惠難及

舊志

襄陽府志

卷之二十一

名宦

五

晉

羊祜字叔子南城人蔡邕外孫武帝泰始都督荊州諸軍事假節出鎮南夏開設庠序綏懷遠近甚得江漢之心在軍輕裘緩帶身不被甲鈴閣下侍衛不過十數人咸寧初除征南大將軍表請平吳而議者多不同歎曰天下不如意事恒十居七八寢疾求入朝扶疾引見面陳伐吳之計帝欲使卧護諸將祜曰取吳不必須臣自行但既平之後當勞聖慮耳疾漸篤乃舉杜預自代尋卒年五十九謚曰成祜嘗有功將進爵土乞以賜舅子蔡

襄陽府志

卷之二十一

名宦

六

襲詔封襲關內侯樂山水每風景必造峴山置酒言詠終日不倦嘗慨然歎息顧謂從事中郎鄒湛等曰自有宇宙便有此山由來賢達勝士登此遠望如我與卿者多矣皆湮滅無聞使人悲傷如百歲後有知魂魄猶應登此也襄陽百姓於峴山祜平生游憩之所建碑立廟歲時饗祭焉望其碑者莫不流涕杜預因名爲墮淚碑

晉書

杜預字元凱京兆杜陵人畿之孫博學多通明於興廢之道常言德不可以企及立功立言可庶幾也襲祖爵豐

樂亭侯與賈充等定律令既成爲之注解又受詔爲黜陟之課拜度支尚書損益萬幾不可勝數朝野稱美號曰杜武庫言其無所不有也滅吳之計惟預羊祜張華與帝意合祜卒拜鎮南大將軍都督荊州諸軍事處分既定兩表啓請伐吳之期帝乃許之以太康元年正月陳兵於江陵遣樊顯周奇等率衆循江西上攻尅城邑進逼江陵尅之於是沅湘交廣皆望風歸命遂指授群帥徑趨林陵孫皓既平振旅凱入以功進爵當陽縣侯還鎮請退不許勤於講武修立泮宮江漢懷德化被萬

襄陽府志

卷之二十一

名宦

七

里預好爲後世名常言高岍爲谷深谷爲陵刻石爲二碑紀其勲績一沉萬山之下一立峴山之上曰焉知此後不爲陵谷乎從容無事乃耽思經籍爲春秋左氏經傳集解又參考衆家譜第謂之釋例又作盟會春秋長歷備成一家之學比老乃成又撰女記讚卒年六十三

謚曰成

晉書

周奇邵陵人襄陽太守

舊志

鄒湛字潤甫南陽新野人少以才學知名泰始初爲征南從事中郎羊祜深加器重歷散騎常侍國子祭酒轉少府卒所著詩及論事議二十五首爲時所重

晉書

山簡字季倫濤幼子溫雅有父風永嘉二年假節鎮襄陽於時王斌不振朝野危懼簡優游卒歲劉聰入寇遣督護王萬率師赴難爲賊王如所破又爲賊嚴疑所逼乃遷夏口伶人避難多奔沔漢譙會之日或勸奏之簡曰社稷傾覆不能匡救有晉之罪人也何作樂之有因流涕慷慨坐者咸愧焉

晉書

曹攄字顏遠譙人少有孝行好學善屬文歷臨淄洛陽令襄城太守永嘉二年高密王簡鎮襄陽以爲行軍司馬流人王道等聚衆寇掠簡遣泰軍崔曠討之令攄督護

襄陽府志

卷之二十一

名宦

八

曠奸凶人也請攄前戰期爲後繼既而不至軍敗死之故吏及百姓並奔喪會葬號哭卽路如赴父母焉

晉書

張隱文士傳云爲襄陽太守征南司馬討賊向吳戰敗死

劉弘字和季沛國相人太和中張昌作亂以弘都督荊州諸軍事弘遣南蠻長史陶侃爲大都護泰軍蒯恒爲義軍督護牙門將皮初爲都戰帥累戰破昌其衆悉降荆土平昌竄於下儁山討斬之表初爲襄陽太守侃爲行軍司馬恒爲山都令朝廷以初雖有功襄陽名郡不可

授初以夏侯陟爲之陟引婿也引表陟姻親舊制不得相監初勲宜見酬詔從之峴萬二山澤中不聽百姓捕魚引下教曰禮名山大澤不封與興三年進號車騎將軍開府每有款密所以人皆感悅爭赴之咸曰十部從事卒於襄陽士女嗟痛若謚曰元子璠初成都王穎南奔引勸欲推穎爲主璠追遵引志墨經順陽內史江漢之間翕然歸心山簡代鎮知璠得衆心

襄陽府志

卷之二十一

名宦

九

恐百姓逼以爲主表陳之徵爲越騎校尉南夏遂亂父老追思引雖甘棠之詠召伯無以過焉

晉書

甘卓字季思丹陽人元帝渡江歷官梁州刺史假節督沔北諸軍鎮襄陽爲政簡惠善於緩撫估稅悉除市無二價州境所有魚池先恒責稅卓不收其利皆給貧民西土稱爲惠政

晉書

周訪字士達本汝南人漢末避地江南因家尋陽與陶侃結友以交妻侃子瞻晉元帝命訪擊杜曾等以功遷梁州刺史屯襄陽曾等走固武當出其不意又擊破之部

將趙溫收曾詣軍并第五猗等送王敦斬之進位安南
將軍持節都督威風既著遠近悅服智勇過人爲中興
名將性謙虛未嘗論功伐士以此重之練兵簡卒欲宣
力中原慨然有平河洛之志善於撫納士衆皆爲致死
王敦有不臣之心訪恒切齒故終訪之世未敢爲非少
時遇善相者廬江陳訓謂訪與陶侃二君皆位至方嶽
功名畧同但陶得上壽周得下壽優劣更由年耳訪小
侃一歲卒時年六十一帝哭之甚慟詔贈征西將軍謚
曰壯立碑於本郡

晉書

襄陽府志

卷之二十一

名宦

十

鄧遐字應遠勇力絕人氣蓋當時歷冠軍將軍數郡太守
號爲名將桓溫憚其力果免遐官追贈廬陵太守
水隈潭極深先有蛟爲害遐爲襄陽太守拔劍入水蛟
繞其足遐揮劍截蛟數段流血水

丹蛟患遂息

水經注

庾翼字稚恭少有經綸大畧兄亮卒授都督江荆司雍梁
益六州諸軍事代鎮武昌以滅胡平蜀爲己任康帝卽
位翼欲率衆北伐兩上疏表移鎮襄陽時有衆四萬詔
加都督征討軍事師次襄陽大會僚佐陳旌甲親援弧
矢曰我之行也若此射矣遂三起三疊徒衆屬目其氣

十倍胡賊五六百騎出樊城翼遣冠軍將軍曹據追擊於撓溝北破之綏來荒遠務盡招納之術立客館置典賓康帝崩兄永卒還鎮夏口疽發背卒時年四十一諡曰肅

晉書

桓宣譙國銍人陶侃表爲武昌太守尋遷監沔中軍事南中郎將石勒將郭敬戍襄陽侃使子斌與宣俱攻樊城拔之李陽又破新野敬走遂平襄陽使宣鎮之招懷初附勸課農桑簡刑罰畧威儀或載鉏耒于輅軒或親芸穫於隴畝十餘年間勒再遣騎攻之宣能得衆心每以

襄陽府志

卷之二十一

名宦

士

寡弱距守論者以爲次于周訪祖逖後以司州刺史假節鎮襄陽勒使騎七千渡沔攻之三面爲地窟宣出其不意殺傷數百多獲鎧馬賊退走遣步騎收南陽諸郡百姓沒賊者八千餘人以歸以前後功封竟陵縣男久在襄陽綏撫僑舊甚有稱績卒贈鎮南將軍

晉書

郝恢字道胤璽之孫代朱序爲雍州刺史假節鎮襄陽甚得關隴之和降附者動有千計及王恭討王國寶桓元殷仲堪皆舉兵應恭而恢與朝廷犄角元等旣而以恢爲尙書將家還都仲堪陰使人於道殺之及其四子託

以羣變所殺贈鎮軍將軍

晉書

朱序字次倫義陽人寧康初拜使持節監沔中諸軍事鎮襄陽苻堅遣苻丕率衆圍序序固守賊苦攻之初丕之來攻也序母韓自登城履行謂西北角當先受弊遂領百餘婢并城中女丁於其角斜築城二十餘丈賊攻西北角果潰衆便固新築城丕遂引退襄陽人謂此爲夫入城序屢戰破賊又以賊退稍遠疑未能來督護李伯護密與賊相應襄陽遂沒序陷於苻堅堅敗於淝水乃得歸歷都督司雍梁秦四州軍事戍洛陽破慕容永翟襄陽府志

卷之二十一

名宦

三

遼使子略趙蕃督護洛城序還襄陽太元十八年卒

晉書

舊志載李重陶侃桓冲庾亮諸人按李重爲行討虜將軍護軍平陽太守非襄陽守也陶侃爲南蠻長史不駐雍州桓冲鎮襄未有政蹟庾亮疏請移鎮襄陽不果行皆不應入故刪之

南北朝

張邵字茂宗吳郡吳人也武帝受命以佐命功封臨沮伯
元嘉五年以征虜將軍領寧蠻校尉雍州刺史加都督
至襄陽築長圍修立隄堰創田數千頃公私充給丹浙
二州蠻屬爲寇邵誘其帥並出因大會誅之遣軍掩其
村落悉擒之旣失信羣蠻所在並起水陸路斷坐降號
揚烈將軍卒諡簡南史

劉粹字道冲沛人文帝時以征虜將軍領寧蠻校尉雍州
刺史襄陽新野二郡太守在任簡役愛民罷諸沙門二

襄陽府志

卷之二十一

名宦

三

千餘人以爲府史卒贈安北將軍

宋書

朱修之字恭祖序之孫孝武初爲寧蠻校尉雍州刺史加
都督政存寬簡士衆悅附及荊州刺史南郡王義宣反
以魯秀爲雍州刺史擊襄陽修之命斷馬鞍山道秀不
得前乃退以功封南昌縣侯治身清約凡所贈貺一無
所受有餉或受之而疑與佐吏賄之終不入已唯以撫
納羣蠻爲務徵入去鎮秋毫不犯計在州然油及牛馬
穀草以私錢十六萬償之卒諡貞侯

宋書

到彥之字道豫彭城武原人從文帝西鎮除使持節南蠻

校尉佐守垂二十載威信爲士庶所懷文帝入奉大統遣彥之權鎮襄陽尋徵入爲中領軍南史

褚裕之字叔度陽翟人永嘉四年爲雍州刺史領寧蠻校尉在任三年以清簡致稱南史

劉道產彭城呂人元嘉中領寧蠻校尉加都督兼襄陽太守善於臨民在雍部政績尤著蠻夷前後不受化者皆順服百姓樂業由此有襄陽樂歌自道產始也卒於官

諡曰襄南史

劉秀之字道實東莞呂人孝武鎮襄陽以爲撫軍錄事叅

襄陽府志

卷之二十一

名宦

古

軍襄陽今襄陽有六門堰良田數千頃堰久決壞孝武遣秀之修復雍部由是大豐後歷寧蠻校尉雍州刺史加都督卒諡忠成

王元謨太原祁人孝武時爲雍州刺史雍土多僑寓元謨上言所統僑郡無境土新舊錯亂租課不時宜加并合乃省并郡縣自此便之南史

傅侯字子成仕宋爲襄陽令有善政舊多虎患人嘗追虎入城候誠厲之虎不復爲害人立碑頌焉舊志

張瓌字祖逸吳郡人武帝卽位爲寧蠻校尉雍州刺史徵

還後安陸王紆臨雍州行部登莫山有野老來乞紆問
何不事產而行乞耶答曰張使君臨州理物百姓家得
相保後人政嚴故至行乞紆由是深加歎賞南史

蕭綱字景業齊宗室建元元年封安陸侯歷雍州刺史加

都督綱留心辭訟人人呼至案前親自顧問有不得理

者勉諭之退皆無恨爲百姓所畏愛及卒喪還百姓緣

沔水悲泣設祭於峴山爲立祠謚曰昭南史沈約作碑文

內云禮義旣敷威刑具舉疆民曠谷反志遷情見又

蕭赤斧高祖從祖弟爲雍州刺史不營產利勤於奉公封

襄陽府志

卷之二十一

名宦

五

南豐縣伯及卒家貧無絹爲衾謚曰懿南史

曹虎字士威下邳人本名虎頭齊武帝以名鄙敕改之隆

昌中歷遷雍州刺史建武四年移頓樊城魏孝文率十

萬衆再圍樊城虎閉門固守乃去南齊書虎雖武人頗有

知人鑒梁武在襄陽虎謂曰卿必大貴我當不及見今

以弱子相托每密送錢物好馬帝在戎多乏就虎換借

未嘗不得遂至十七萬及卽位忘其惠天監二年帝忽

夢如田塍下行兩邊水深無底夢中甚懼忽見虎來負

之得過曰卿今爲天下主乃忘我顧託之言耶我兒飢

寒無依昔所換十七萬可還其市宅帝覺即使主書送錢還之子世宗世澄並蒙抽擢

南史

蕭景字子照武帝從父弟踐祚封吳平侯天監七年由領軍將軍出爲寧蠻校尉雍州刺史加都督魏荊州刺史元志攻潺溝驅迫羣蠻羣蠻悉渡漢水來降議者以蠻累爲邊患可因此除之景曰窮來歸我誅之不祥且魏人來侵每爲矛楯若悉誅蠻則魏軍無礙非長策也乃開樊城受降因命司馬朱思遠寧蠻長史曹義宗中兵叅軍孟惠雋擊志於潺溝大破之景初到州省除三迎

襄陽府志

卷之二十一

名宦

六

羽儀器服不得煩擾吏人修葺城壘申儆邊備理辭訟勸農桑郡縣皆改節曰勵州內清靜抄盜絕迹十三年復爲領軍歷侍中卒諡曰忠

南史

蕭範字世儀嗣封鄱陽王歷使持節都督雍梁五州諸軍事雍州刺史作牧莅民甚得時譽撫循將士盡獲歡心

梁書

蕭恭字敬範武帝姪封衡山縣侯歷寧蠻校尉雍州刺史簡文少與恭游特被賞狎至是手令勗以政事恭至州政績有聲百姓請於城南立碑頌德詔許焉被詔徵還